

武陵縣志卷之十一

同治壬戌編成

陽湖 惲世臨鑒定

邑人 陳啟邁纂輯

建置志第四

石櫃

上石櫃縣西門外百步後唐副將沈如常築 賀志

下石櫃縣東門外沙窩亦沈如常築 國朝乾隆五十七年

知縣楊鵬翱督捐加修名積石壩 碑記見藝文賀志參府志

筆架城石櫃府學前元常德路監哈喇築高二丈 國朝乾

隆三十一年大水灌城知縣王永芳請帑重修加高厚各

武陵縣志

卷之十一

建置志

石櫃

數丈 賀志

花貓隄石櫃西門外舊建年月無考 國朝康熙七年知府

胡向華衛守備張靖修 賀奇有記見藝文 乾隆五十四年總督畢

沅巡撫浦霖請帑重修 奏摺見藝文 五十六年知縣閔重鑑又

拓舊櫃數丈鼎建大石櫃上建龍王廟 賀志

廻峯寺石櫃縣東門外五里明萬曆時建乾隆十年知縣翁

運標督捐重修三十一年圯於水同知喬序鸞請帑修 賀志

落路口石櫃乾隆五十四年總督畢沅請建未果道光戊申

己酉大水潰決西隄數千丈邑人擬建石櫃殺水勢以護

城隄擲石水底咸豐八年知府彭汝琮惲世臨先後倡捐

多金始克葺事廣若干丈寬若干丈上建先賢祠祀屈原
暨姚學閔龔元之丁易東龔元亨又建忠烈祠祀甲寅殉
難官民增

論曰沅水自黔經沅郡皆屈曲潏洄至辰合五谿水始大
至桃源而下勢始縱使狂瀾無以障之吾邑一綫孤城烏
能與水爭力哉志石櫃而歷述建修知良有司之功不可
沒也已

武陵縣志

卷之十一

建置志

石櫃二